



Allegau A) a sa Detèrmina n. 1017/231 de su 03.12.2020

# Comunu de Santa Justa

(Provìntzia de Aristanis)

Bia de Garibaldi n. 84 – CAP 09096 - ☎ 0783/354500 - Fax 0783/354535  
P. I.V.A. 0007226 095 3

## AVISU PÙBLICU

**PO COBERAI AMMOSTUS DE INTERESSU PO  
SI FAI PONI IN S'ELENCU COMUNALI DE ESERCÌTZIUS CUMMERCIALIS DISPOSTUS A  
ACETAI BONUS SPESA CHI FUNT IN S'ORDINÀNTZIA  
DE SU CAPU DIPARTIMENTU DE SA PROTETZIONI TZIVILI N. 658 DE SU 29/03/2020**

**SA RESPONSÀBILI DE SU SERVÌTZIU SOTZIALI**

### FAIT SCIRI

Ponendi in pràtica su D.L. 23 de onniasantu de su 2020, n. 154 "*Mesuras finantziàrias de apretu chi tenint de biri cun s'apretu epidemiològicu de COVID-19*" e s'Ordinàntzia de su Capu Dipartimentu de sa Protetzioni Tzivili n.658 de su 29.03.2020, po ammanniai sa truma de is frunidoris in s'àmbitu de is interventus de agiudu in favori de tzitadinus in difficultadi econòmica e arrispetendi is principius de imparzialità, de publicidadi e de trasparèntzia, invitat a totu is atividadis cummercialis autorizadas a bendi gèneris alimentaris e benis de primu necessidadi, a espressai s'interessu e disponibidadi a acetai is bonus spesa chi lassat s'Ufìtziu Servìtzius Sotzialis de custu Comunu e chi tenint de biri cun su **FUNDU DE SOLIDARIEDADI COMUNALI PO – APRETU COVID-19**.

Po poni in pràtica is mesuras in chistioni su Comunu de Santa Justa si giuat de sa dita Sotziedadi "DAY RISTOSERVICE s.p.a". cun Sedi Legali in Bologna in sa bia Trattati Comunitari Europei 1957/2007 n.11, Còdixi Fiscali e Partida IVA 03543000370, sugetu incarrigau a fai e a spartziri is titulus legitimus (BONUS SPESA) a tràgiu de càrrigas pagadas po s'assistèntzia cun sa tèssera sanidària, po comporai mandiaris e benis de primu necessidadi me in esercìtzius conventzionaus apostas.

In aciunta de is atividadis giai conventzionadas cun "DAY RISTOSERVICE s.p.a.", àterus esercìtzius cummercialis a sa minuda de gèneris alimentaris e benis de primu necessidadi (supermercaus, ipermercaus, butegas de gèneris alimentaris, de igieni personali e po limpias domus, bendidoris de bòmbulas de gas, potecarias e para-potecarias), chi funt in su Comunu de Santa Justa e no, e interessaus a pigai parti a custu sistema de bèndida s'ant a podi conventzionai inderetura cun "DAY RISTOSERVICE s.p.a", a is cunditionis chi pràticant issus, mandendi-nci s'ammostu de interessu insoru a custu Comunu.

### DESCRIZIONI DE SU SERVÌTZIU

- Su Comunu nci mandat a DAY s'elencu de is nòminis de is chi tenint titulu, impari a is importus assinnaus.
- DAY assinnat is bonus spesa cun acrèditu de su beneficiu sotziali in favori de is chi tenint deretu in sa Tèssera Sanidària.

- Is beneficiàrius ant a podi impreai is bonus spesa sceti me in esercìtzius cummercialis cunventzionaus.
- Is beneficiàrius ant a podi impreai sa càrriga in sa tèssera sceti po comporai mandiai e/o benis de primu necessidadi, comentu a produsus essentzialis po s'igieni de sa personi e po limpijai sa domu, produsus po pipieddus pitius, lati, omogeneizaus, pannus. Non si podit acetai, comentu a currispetivu po sa còmpora de ònnia àteru produtu chi non torrat cun cussu de "primu necessidadi" cunforma a s'Ordinàntzia de su Capu de sa Protetzioni Tzivili n. 658 de su 29.03.2020, aici, giustu po giai unu esempru mancai no in totu: tabacus, arcoòlicus, càrrigas telefònicas, ogetística e artículus po arregalai e sighendi.
- DAY concordat su giru de puntus de servìtziu e acrèditat is esercìtzius cummercialis a sa minuda de gèneris alimentaris e benis de primu necessidadi postus in su territòriu de su Comunu (supermercaus, ipermercaus, butegas de gèneris alimentaris, po s'igieni de sa personi e po limpijai domus, bendidoris de bòmbulas de gas) – Podint pigai parti finas àterus operadoris chi non funt afilius a DAY.
- Su Comunu, po mori de custu avisu, fait sciri a DAY s'elencu de is esercìtzius interessaus a pigai parti a su giru e chi funt dispostus a acetai is bonus spesa (paris cun su nòmmini de s'insinna, sa P.IVA e su telèfonu de su referendi de s'esercìtziu).
- DAY s'incurat de cuntatai is esercìtzius interessaus. Sa cummissioni chi DAY at a apricai a is puntus de bèndida no at a sartai su 5% (cincu po centu) de s'importu de totu sa spesa destinada a comporai benis. Ònnia exercìtziu at a arriciri unu POS.
- DAY nci mandat a su Comunu totu is arrelatas de modu chi su Comunu potzat apurai chi su beneficiàriu est impreendi beni su contributu.

Totu is operadoris de su setori chi funt interessaus a si fai iscriri in s'elencu in chistioni e cunventzionaus cun DAY, funt invitaus a ammostai s'interessu insoru torrendi su mollu auniu cumpilau comentu si depit aunendi còpia de documentu de identidadi, mellus **a posta eletrònica** - a s'indiritzu **[info@comune.santagiusta.or.it](mailto:info@comune.santagiusta.or.it)** o a posta eletrònica certificada a s'indiritzu **[protocollo@pec.comune.santagiusta.or.it](mailto:protocollo@pec.comune.santagiusta.or.it)**. Sceti acontessendi de non teni custas ainas, sa dimanda si podit intregai a su protocollu de s'enti me in custus oràrius: de sa ora de is 11.00 de mangianu a sa 1.30 de meigama.

S'elencu de is esercìtzius interessaus chi arresurtant teni totu is arrechisius de amissioni, s'at a mandai a sa sotziedadi DAY po is acumprimentus afatantis.

## **S'AMMOSTU DE INTERESSU DEPIT ARRIBAI AINTRU E SENA DE SARTAI IS 2.00 DE MEIGAMA DE CENÀBURA 11 DE SU MESI DE IDAS**

**S'ELENCU DE IS CHI ANT AMMOSTAU S'INTERESSU S'AT A PUBLICAI IN SU PORTALI DE SU COMUNU**

Po informus: tel. 0783-354504 -354528

indiritzu posta eletrònica: [servizio.sociale@comune.santagiusta.or.it](mailto:servizio.sociale@comune.santagiusta.or.it).

**Sa Responsàbili de su Servìtziu Sotziali  
(F.au Ass. Sotz. Dot.ssa Susanna SERRA)**